

65167

6

景寧縣續志

景甯縣續志卷十三

景甯縣縣長浦江吳呂熙纂修

人物志

雅嶺崇巔代鍾名賢二百餘載鬱而勿宣如彼  
珠璧或沉於淵潛姿含輝品節逾堅孝友睦嫻  
太和氤氳蓄積彌久篤生葉君維此葉君慨慕  
終軍請纓繫越誓掃胡氛峨峨鍾阜戰血殷紛  
湖山俎豆銅柱銘勲於戲人傑有耀榆枌志人  
物

景甯縣續志

卷十三人物

總論

一

仕績

邑士艱於際遇清代以還幹功名而登仕版者寥寥矣雖然此寥寥之中乃亦有名勒金石功在國家者存焉所謂一夔已足耶昔曾滌笙嘗自言其先數百年無與於科目之選其後曾氏之盛甲於海內所謂會逢其適耶仲尼稱先難後獲將於此卜之

梅冬魁字夢雲底堡人少好讀書以貧故棄文就武爲縣學武生屢應鄉試賣卜以供資斧中咸豐甲午舉人署本邑把總歷署温州泰順管塘

景寧縣續志

卷十三人物

仕績

二

存城各汎金錢會匪逼甌城君充城守營官督軍士晝夜守禦賴以安堵事平游擢溫標千總治軍嚴肅駐紮所在士民愛戴公暇喜吟詩有老松欲化千年石叢桂新開八月天之句傳誦一時潘嶧琴閣學採入續兩浙輶軒錄以病卒於官

葉寶辰字席珍包山人天才卓犖下筆千言爲陳問源先生高弟由府學廩貢任武義訓導初之任諸生頗輕易之比考課高坐據案揮毫筆削百篇立就乃大驚服旣而郡守邑令以次推重

重要文字必出君手課士有方學風丕變卒任於  
鄧溥字博泉坊郭人少倜儻有大志同治元年投  
効江蘇勲字軍楊總鎮麾下奉調征捻轉戰蘇  
皖鄂魯豫等省奮不顧身累著戰功濟寧之役  
右膀礮傷猶大呼前進欽差大臣湖廣總督李  
公保獎千總賞藍翎旋換戴花翎擢衛守備調  
湖北勲軍營務處供職光緒十九年乞休回籍  
自以鋒鏑餘生築室石印山麓蒔花養魚翛然  
有塵外意劇談戰時事解衣磅礴背上刀痕斑  
駁想見馬上殺賊之概卒年六十八

民國

葉仰高字芝峯黃蔡人少有大志從其兄世昌學  
於青田於友人處見黃帝魂讀之感慨激發弱  
冠入安徽練軍營轉武備學堂畢業東渡留學  
憲兵營日京爲我國革命志士淵藪同盟會支  
部在焉君入會爲會員熱忱益進報國之志已  
決於是時清江督端方嚴緝黨人君返國至滬  
被逮囚金陵與友人書曰士可殺不可辱吾必  
不辱請勿念會救免北之黑龍江南之粵均以  
黨嫌無所遇宣統辛亥與志士集湖北武昌舉

義急回浙圖響應率敢死士攻撫署克之浙江  
底定被舉爲司令部執法官改尙武隊管帶旋  
奉滬都督陳公英士命商攻南京委聯軍司令  
部參謀官建議先攻天保城金陵唾手可得議  
未行而聯軍圍金陵久不下武漢尤岌岌君大  
憤曰事急矣遂於深夜選精銳趨天保履巉巖  
蛇虺而上拂曉登其巔清兵見革命軍旗幟出  
不意大驚開城乞降君率隊坦然入清兵反復  
開機關鎗君中彈殞後隊繼至遂佔領之還礮  
反擊朝陽門城潰金陵光復是役關係民國至  
鉅天保不下則金陵負固而武漢危改革大業  
成敗未可知君之功又豈少哉南京政府成立  
大總統孫公賜祭吊予撫卹浙都督朱葬君遺骸  
於孤山之麓建忠烈祠祀之築紀念塔刊銅表  
以銘其勲可謂不朽矣君卒於辛亥十月年三  
十二歲

儒修

孔子曰才難不其然乎清季以還於儒修得四人焉曰嚴曰王曰吳曰葉

嚴用光字國華號月舫小左人少卽穎悟弱冠登選拔秋闈十上屢膺堂薦不售士林惜之同治壬申纂修縣志總其成主講雅峯書院十餘年多所造就器度寬濶藹然如春而操履嚴潔若秋霜年逾六旬手不釋卷潘嶧琴閣學稱其者年篤學所著詩純乎唐音尤與王孟爲近有述古齋古今體詩八卷詒穀堂稿二卷

景甯縣續志

卷十三人物

儒修

五

王錫藩字問屏廩生石埠坑人家貧力學博通經史詩文沉鬱排奐蕭郡守以巖穴奇士目之學憲祁世長觀風闔屬拔第一許爲太鶴山人後此爲代興肄業敷文書院客死於杭士林傷之吳鍾鎬字子京增廣生桃源人資稟絕人工詩天才雋發是黃莘田一流兼善書畫少從孔雅六學師游深爲器重同治壬申分修縣志秋闈鶚薦未遇年未強仕卒士林惜之

葉篤勳字邦輔歲貢績學好修潛心考據於南閣祭酒之學用功尤篤詩文一規先正刻苦深思

多獨到處鄉薦未遇著有待月軒稿

景寧縣續志

卷十三人物

儒修

六

義烈

葉君仰高行誼宜志義烈而職屬軍官已編入  
仕績存其目以俟來者

孝友

史記漢書無孝友傳晉始立傳補班馬所未備  
後史循之曰孝義曰孝行曰孝感曰一行通志  
統以孝友其實一也依前志例敘次之

葉向榮字岳齡坊郭人布理問銜幼失怙事母及  
祖母凡事必稟命而行痛父早逝喪祭必竭誠  
盡禮同治十二年捐建節孝祠他如洪嶺橋及  
坊郭道路橋梁多捐資修造梨新慕嶺茶堂各  
跋田租資永久仁人孝子蓋兩兼之

葉凌霏字瑞章坊郭人恩貢性孝友門內怡然澹  
泊寡榮潛心經史詩氣格得陸劍南之遺著有  
綠滿山房詩存子乙照字卯生恩貢學修行懿  
綽有父風卒後民國八年奉

國府褒揚題曰義聲戴道

並褒辭一  
幀藏於家

任曾魯高演人廩貢少天資頗鈍故名曰魯字鈍  
夫然卒力學致淵博與弟曾鏞友愛異常恒以  
砥節礪行相勗遇不循禮法者從容訓誡咸悔  
過遷善而去工書法渾勁肅穆有大家筆意

柳蔭棠字伯憇沙灣人拔貢工書法得董思翁之  
遺問參平原清勁嫵媚各增其勝游京師有某



公授書介紹朝貴袖不投謁曰吾焉用此爲也  
性至孝終身作孺子慕朝考後遂不復出年甫  
強仕卒

劉步鰲字文瀾金鐘人庠生孝於親承顏悅志友  
于弟取瘠讓羸性溫厚無疾言厲色雖傭役必  
相待以誠人服其德量家素封藏書萬卷多善  
本建閣度之光緒間燬於火士林惋惜

李吉枚字熙甫大均人同知銜幼失怙事母廖氏  
孝敬無違孀母徐氏亦早寡孝養如之一門孤  
寡克自樹立自以幼沖賴節母撫育成人本錫

類之義於城中倡建節孝總祠以風世尋爲母  
及孀母請旌建雙節坊及雙節祠並賜封二代  
顯親揚名克盡其道苔湖嶺包山嶺下場巖皆  
其修築其他善舉鄰里稱貸靡不樂助求仁人  
於孝子於此可見

李兆成大均人少失恃事繼母陳氏盡孝母視之  
亦無殊已出與弟兆光友愛異常出門數十里  
歸必相揖弟歿持服數年不出門闕與人言及  
弟輒流涕曰吾命薄不能保有弟也其真摯如  
此門內雍雍肅肅終身未分爨有田氏風

鮑一諤字邁千東坑人歲貢天資沉毅工詩文下  
帷講學諄諄以立身修行爲務尤篤友于昆季  
一謙一詩一誠一謨一詢友愛備至並有聲庠  
序雁行濟濟極家庭之盛與其先三老圖相媿  
美子則衡自有傳

鮑則衡字得士東坑人歲貢少承庭訓工文藝下  
筆如雲行水流曲盡其妙講學授徒經其指示  
莫不舉一反三孝親友弟持躬廉介爲近世人  
倫師表云

柳蔭槐字植三沙灣人性剛方意所不可雖豪強

景寧縣續志

卷十三人物

孝友

九

必面折之然素孝嘗與人盛氣爭聞母自閨中  
呼小名卽怡色唯唯而退肴饌母未先嘗不下  
箸嘗蓄鴿數十成羣一日母謂之曰若養此鶴  
鶴者以供饌耶則吾不食之矣卽盡放遣去其  
不違如此

杜建棣字輝萼壇頭嶺人例貢週歲而孤稍長孝  
事其母晨夕承歡數十年如一日精岐黃求診  
者應手而癒平時貯藥濟人全活者衆

吳炳林渤海人家有老母服勞奉養歷久不懈尤  
篤友于兄弟問答必起立致敬如對大賓弟炳

有季有亦以孝友相勗一門之中和氣藹然皆  
壽逾古稀而卒

詹有穀菜草人家窘母老而瞽與弟留穀侍養惟  
謹三十餘年無倦意爲人傭遇有酒肉必攜歸  
奉母有穎谷之風

楊景榮字英華楊山人庠生性慷慨明取與家素  
封與弟景蕃友愛彌篤兄弟怡怡地方善舉協  
力贊成榮卒蕃哀痛逾恒相繼謝世可謂兄弟  
孔懷矣

王錫珍字順昌石埠坑人國學生篤於根本母老

景寧縣續志

卷十三人物

孝友

十

病日侍養必周與弟德舜同爨終身兄弟怡怡  
遐邇稱之

陳成叙渤海人家故貧而性孝父年八十餘承歡  
膝下溫清勿疏冬寒夜卧抱父足於胸使暖傭  
食於外每舍肉以遺之依依五十餘年如一日  
葉朝陽後龔人國學生善事繼母家政身任其勞  
分析家產唯繼母命是聽家庭和藹鄰里嘉之  
陳兆齊字得衆半山人例貢友愛性成兄與弟皆  
早喪撫育遺孤恩勤如已子分產自取礫薄里  
黨稱之

潘志倫小赤人性至孝母病罄家資以醫藥廢寢食以侍奉割股進療焚香告天願以身代  
李鑫張坑下人增生敦品力學喜吟咏揮毫無紙疾書壁上淋漓滿屋其天真爛漫也性至孝事嫡母有逾所生與弟敦讀書談道怡怡一堂至老不倦文行之優可爲矜式

民國

李鍾祥字毓秀大均人精歲貢勵志讀書艱於境而手不釋卷性至孝母任氏近大耋背生大癰祥亦年近七旬洗腐調藥必躬親朝夕侍石年餘不少懈母疾以痊唐春卿侍郎獎以明經行修額善醫活人甚衆卒年七十六

梅師俞字仰山大滌人精思貢少不羈稍壯折節讀書通經史法律政治之學爲文驚老宿張亨嘉京卿有精深透闢之譽天性孝友筆耕所入悉以分給兄弟視兄子如己子留學京國資斧悉以自任尤爲人所難能

葉世昌字發祥黃藜人精廩生天性質樸父歿事繼母惟謹母性卞急善怒與鄰里或有齟齬君則怡色婉言以諫得母悅乃止弟仰高繼母所

出君督其課程曲體母意絕不施以夏楚平生篤於舊學而通達時務清末罷科舉立學堂卽飭子弟出外游學辛亥光復仰高爲國捐軀功業彪炳皆乃兄培植所致云

馬獻圖字友龍坊郭人歲貢家貧不能多具飯每食先以飯奉母而自食甘薯以爲常不使父母知之事兄友恭備至畢世如賓客尤嚴於義利之界禮教之防足爲後生法式民國六年以老成碩德選充

文廟奉祀官卒年六十八

景甯縣續志

卷十三人物

孝友

十三

章鳳鳴字旭梧章坑人邑庠生性至孝與諸弟友愛極篤疾病親調湯藥缺用則周濟之餘杭孝廉褚維塏嘗至其家以孝友可風稱之

吳雲誠油田人國學生與乃兄白頭和好遠近稱之

篤行

唐書宋史有卓行傳五代史作一行鄭氏通志稱獨行而前志則稱篤行其實一也茲依前志例纂之

柳冠東字聲溢國學生沙灣人性孝友手置田千頃分析諸弟且以膏腴讓之好義樂施同治元年重建大赤阡橋首捐鉅資

有與爭名者厚遣之壽九十二

葉凌霏字煥章坊郭人增生性寬和尙氣節道光丁未遷建文廟悉心董理獎敘八品銜同治十二年襄理縣志爲邑令周公所器重地方公益

景寧縣續志

卷十三人物

篤行

十三

力爲贊助以底於成

何希元字占三程田人例貢賦性公直疏財尙義建文廟修縣志皆慷慨輸助拯溺女葬義冢實惠尤多道光丁未遷建文廟獎敘八品銜

章學庸字支三章坑人歲貢保舉訓導家貧力學通經史工文辭往往酷摹左國先輩陳問源先生以大器期之太平之役潰兵入境率鄉勇數百人恢復縣城保衛桑梓厥功甚偉平居尙氣節重然諾解人紛難片言立決鄉里數十年無致訟者由其信義素孚云

潘志誠字飛騰附郭人廩生少穎異究心天算輿地之學試屢優等光緒辛卯直省測繪輿圖邑令宦懋和學師張維翰通稟委辦測量事宜稱職性好善凡修橋路設義冢尤所樂爲著有交食細草測量志予釗己酉拔貢承其學修造雲屬沈村源十里長途及本邑三透天崎嶇之路人多稱之

孫紹宗字善繼深洋人歲貢保舉訓導少志氣豪邁勤學能文章從瑞安孫渠田閣學游造詣益進同治元年太平潰兵入境所向焚掠君督鄉

景寧縣續志

卷十三人物

篤行

十四

團千人恢復縣城捍衛桑梓厥功偉焉自以懷抱瓌異未能展其志願嘯傲行吟兀然不可一世見者咸目爲狂不知彼固有鬱鬱者在也竟齎志以歿

周鳳岐字應南中堡人廩貢生性純厚經商甌海凡龍慶景旅甌商人公益事務無不贊助維持雅愛永嘉山水有樂居之志晚年歸梓修橋路置蓮埠船租歲饑運米濟貧善舉甚多

吳慕澄字澹泉英村人廩貢任壽昌教諭居鄉施藥解人紛難勇於公益重要橋梁多資倡建

柳思濬字哲侯沙灣人庠生質直嚴毅尚氣節篤友愛地方公益多資提倡解紛排難渙然冰釋絲毫不受酬報輕財好義有魯連子風

林森字子丹礪下人歲貢濟困扶危急公好義鄉鄰雀鼠之爭每就質成片言立決人服其持論之平

張秉榮字耀宗大均人例貢尚氣節疏財仗義地方善舉踴躍助襄高年碩德邑令周杰以樂善能勤獎之子五人多有聲庠序

嚴乃思字欽若葉謝人幼孤讀書識大體性寬和  
景寧縣續志 卷十三人物 篤行 五  
慈祥鄰里親戚貧不能自存者時周濟之斗秤所出有盈無虧救溺女修橋路至老不倦子用元用貞俱有聲庠序

吳佑年英村人國學生賦性公直多行善萬安橋長灘橋費繁工鉅艱難獨任好樹藝廣植森林爲地方倡邑中林業首屈一指子七人家門鼎盛吳乃成字肅三徐山人庠生性耿介見義勇爲嘗獨出鉅資倡建回唐金坑等橋著名之洪嶺橋亦賴其力爲多桂周公以樂善不倦獎之

周師熊字公輔澳頭人性曠爽家素封鄰里稱貸



咸有以應之貧不能償者置費責善舉踴躍輸  
將年需鉅款

吳大榮字陳英古傳人國學生忠厚好義慈善事  
咸樂飲助官渡金鐘渡古傳渡均跋置田租以  
垂久遠

柳啟敬沙灣人國學生贅於溪口因家焉生平質  
直好義勇於爲善溪口當兩溪之交向無津梁  
每歲親負石架木以濟行旅水漲傾圮水落復  
成之以爲常迄今路人思之子景星自有傳

李嘉惠字魯霞滙邊人業農知大義好公益同治

景甯縣續志

卷十三人物

篤行

六

十一年邑令周杰倡築洪嶺橋君奔走橋工不  
辭勞瘁弟嘉訓每於農暇荷鋤修治道路好植  
樹洪嶺松楓滿目皆其手植以蔭行人年八十  
二四世同堂羣謂修德獲報

夏仁聲溪下人少極貧刻苦儉節壯歲成家與弟  
友愛備至地方公益尤所樂爲嘗獨建三石橋  
梅洪橋馬埠橋在龍游邑侯周公杰有仁聲仁聞  
名副其實之譽卒年七十三

國民

鄭紹周字善職增生儒壟人家貧力學精算術善

屬文弱冠設帳於青田塙底多厚禮以聘之課徒先器識後文藝子弟成材者衆民元後連任縣第一第二小學校長實心任事節省公費擴充田租教育發展君之力也性嚴介取與不苟地方紛難一言冰釋積勞成疾享年不永多士惜之

柳景星字聚之溪口人拔貢啟敬子少聰敏童試輒冠軍邑侯邢守道拔取第一稱其文有經術氣遊庠後偕同邑王錫藩肄業崇文書院藩病親侍湯藥歿經紀後事千里返喪有江忠烈之風秋闈薦而未售晚年頤養林泉同年生萬康知縣事延爲官立學堂堂長壬子大水老母幼子得慶生還人稱義行之報壽七十八卒

隱逸

前志篤行後有隱逸一目茲以潁水箕山千秋  
僅見嚴光周黨曠代難逢其人既非恒有紀載  
卽不常書若勉強羅致反騰北隴之嘲唯仍存  
其目候後之歌考槃者

仁壽

園綺漢濱參諸衡泌柱下汾陽散見列傳往史  
無特以仁壽稱者唯郡縣志乃有之蓋黃耆鮐  
背君子萬年詩人咏之久矣凡以昭人瑞也依  
次纂之哀然成帙云

柳園芳字世鼎沙灣人治家勤儉賦性溫和友愛  
諸弟雖析居如同處倡義好施欽賜鄉飲介賓  
孫曾蕃衍身見五代壽終八十八

葉在田字玉山副貢上沙灣人植品端方耆年篤  
學應光緒甲午科鄉試中式副榜時年八十三

矣見者謂其精神矍鑠如少壯云  
任觀萃歲貢生高演人學問宏深氣宇如光風霽  
月晚習岐黃活人甚衆子孫游庠入貢及身親  
見年八十七不疾而終

鮑一燾字啓曙庠生六品軍功東坑人精醫學年  
八十重遊泮水學使文治贈芹藻重馨堂額知  
府趙亮熙以藤杖撰聯贈之

任曾唯字吾貫庠生高演人性至孝事九旬老母  
時作孺子慕堂聯四代壽終八十四

任大受字宏澤庠生高演人言行多可矜式子孫  
衆多年踰八旬無疾而卒

任殿欣字庶康庠生高演人畢世舌耕不干外事  
卒年八十八

任殿資字佐臣高演人觀萃孫曾鏞子三世明經  
性仁厚畢生無過舉無失言善攝生現年八十  
三精神矍鑠如羲皇上人

林金龍柳山人耕讀傳家尚義舉壽終八十六子  
桂芳國學生能繼父志壽終八十六孫文煒國  
學生克繩祖武壽終八十二三世壽考四代同  
堂洵人瑞也

李維鶴國學生張坑下人壽翁李揚松之子性介  
而和守耕讀家風年九十餘未干公庭一字縣  
令張炳文以一鄉善士獎之

潘高才陶洲人服田力穡節儉成家晚年喜談陰  
騭勸人爲善邑令周杰以年高德邵額題贈壽  
終九十七

王明穆石埠坑人秉性樸誠傳家耕讀壽終九十  
三

洪時榮附郭人勤儉治家五世同堂壽終九十二  
任其材軍功高演人勤服先疇持家有道眼見四

景寧縣續志

卷十三人物

仁壽

三

代壽終九十

湯連興字達三東岱人公直無私壽終八十七子  
恒亮廉隅自飭縣官以樂善好施獎之壽終八

十六

陳亦韶陳司坑人國學生宅心仁厚幼失怙事母  
至孝壽終八十九

劉稽遠安亭人質直訥言訓子課孫有先民矩矱  
眼見四代壽終九十一

嚴天恒小左人少失怙終鮮兄弟勤儉力穡慷慨  
好義勇於爲善捐資建築同善橋年八十餘猶

躬自督工

葉金選小粗人敦厚有古風母壽九十餘孝養備至人無閒言二兄俱年逾八十至老式好子福魁入成均亦壽八旬

李昌藻外灣人家非素封而好行善雖傾囊不惜麗景交界之間橋梁道路修治頗多躬自督工至老不倦以壽考終

李日懷嵐下人古樸質實農隙手治道路至老不倦一日冒雪修鋤袁把總晉郡見之詢知姓名獎以聯語壽終八十有二

景寧縣續志

卷十三人物

仁壽

三

嚴立誠字希曾處基人質魯力學屢應童試不售援例入成均性勤儉布衣疏食宴如也居鄉仁恕恒多施與子八孫二十七曾孫五十餘人入黌序者踵相繼四世一堂壽九十二而終洵人瑞也

葉挺月石梯人務農力耕儉樸質實處眾以和地方公益樂爲贊助壽八十六堂聯五世康彊逢吉邑令程鍾瑞因公過訪避不見以五世同堂額獎之子敦奎亦八十六身見五代壽考一家世所罕覩

葉瑞朝烏坭人治家勤儉訓子義方耄年精神矍鑠躬親荷鋤芟修道路家貧樂善朝賜鄉飲介賓四世同堂壽八十四

張大望鄭山頭人古處自敦不徇俗尙康強逢吉年登耄期眼見五代項把總以五世同堂額贈

沈潘魁坊郭人服田力穡勤儉起家持躬謹飭與人坦易性喜潔雖耄耄之年猶躬親灑掃卒年

九十有三二子入成均孫曹蕃衍光緒二十六年以耆民題請長官賞給六品頂戴

景寧縣續志

卷十三人物

仁壽

三

潘鏡銓字一銘庠生際頭人沉靜有古風業岐黃於痘科尤精保全不少卒年八十九

夏雨經字叶吉附貢附郭人友愛乃兄曲盡弟道家小康告糴無遏地方公益多所贊助甌海林

道尹題耄年樂善額獎之壽終八十有五  
林鳳鳴例貢何庄人樂成人美子孫林立堂聯四

代壽終九十六

吳承憲字克顯國學生桃源人宿儒一彥有傳見前志

之子善事繼母養志承歡晚年怡養天和超然物外知事陳景元以望重鄉閭堂額贈之年八

十餘鬚眉蒼古見者以爲洵桃花源裏人也子  
七人孫曾蕃衍尤爲家庭盛事

洪昌駿字廣雲坊郭人例貢職員乃霖之子性孝  
友事繼母如生母待異母弟如同母人無閒言  
敦樸沉默純乎古風壽終八十一

王邦基字奠之東溪人附貢性和易精醫理全活  
者衆同治壬申周公杰修邑志襄局務年八十  
餘精神矍鑠臨池握管揮灑自如見者以壽星  
目之

鄭光漢儒醫人公平正直言行謹飭道路缺陷躬  
爲修補閭里紛爭力爲排解年八十餘猶健步  
如少壯云

景寧縣續志

卷十三人物

仁壽

三

馬啟文字達之城鎮文廟奉祀獻圖之兄少讀書  
紅羊兵燹輟學力耕以養父母諸弟幼少皆撫  
之成立居市廛間畢世不問外事擊壤歌衢見  
者以爲漢濱老父云卒年八十二

杜介清字正軒大赤垵人廩貢自少勤學至老不  
倦生平戒欺不冥冥墜行精岐黃觸手生春夫  
婦齊眉同月仙逝壽終八十一

洪殿邦字永平葉八衢人武生老成特重慎言行



敦倫紀地方善舉極力贊襄壽終八十七  
葉庚照字次西坊郭人增生凌霏子乙照弟淵源  
家學不尚修飾性坦易然必循禮教民國九年  
充 文廟奉祀官現年八十一重游泮水稱耆  
德焉

潘澍臨字子敬溧頭人例貢治家勤慎性和厚處  
宗族鄉黨間從無疾言遽色歲荒告糴必平其  
值現年八十歲康健如壯

林桂芳字茂之附貢桃埕人周歲喪母祖母嚴撫  
之成立及長讀書能文而嚴患風痺纏綿牀榻

景寧縣續志

卷十三人物

仁壽

三

扶持梳洗君親任之數年如一日學使按臨師  
友促赴試不應有李令伯陳情之慨

里人柳景元有詩紀

其現年八十康強逢吉子五人孫十二人曾孫  
二人一門濟濟人稱孝行之應

前志此下有僊釋一目茲以神僊杳渺徵信綦  
難釋氏衰微無可紀述而非僊非隱之浮邱已  
另著考附之古蹟此不贅

